

D. A. G.
DISSERTATIO GRADUALIS,
DE
FIGURA
TELLURIS,
PENDULOROM OPE,
DEFINIENDA

CUJUS PARTEM PRIOREM,
CONS. FAC. PHIL. REG. ACAD. AB,
PRÆSIDE

MAG. ANDREA
PLANMAN,

Physices Profess. Reg. & Ordin.
Reg. Acad. Scient. Stockh. & Societ. Litter. Upsl. Socio.

Ventilandam Modeste Siftit,

ISAACUS NORDBERG,
Nylandus.

In AUDIT. MINORI Die ~~XXII.~~ Junii AN. MDCCCLXXVIII.
H. A. M. S.

ABOÆ
Impressit JOH. CHRISTOPH. FRENCKELL,
Reg. Acad. Typogr.

KONGL. MAJ:TS
TRO-MAN och BERGS-RÅD,
Samt
RIDDARE af KONGL. WASA ORDEN,
WÅLBORNE
HERR JOHAN
HISINGER,
HÖGGUNSTIGE GYNNARE.

Min drifstighet, en värkan af skyldighet och erkänsla, hoppas jag gunstigt blifva ursägtad, då jag vågar at Vålborne Herr Bergs-Rådet och Riddaren i ödmjukhet tillägna denna Academiska afhandling; en liten frukt af stora välgärningar men rent offer af den innerliga vördnad, bvar med jag har åran at til stoftet framhärdar

VÅLBORNE HERR BERGS-RÅDETS OCH RIDDARENS
MIN HÖG GUNSTIGE GYNNARES

Allerödmjukaste tjenare
ISAAC NORDBERG.



§. I.

Quam amplam contentionum segetem protruserit quæstio illa famosa de figura Telluris fugere existimamus neminem. Illa seges demum votis ita respondit orbis litterati, ut quamvis de vera Planetæ hujus figura inter Mathematicos adhuc disputatione in rotunda tamen ejus adjudicanda omnes convererint, certum esse contendentes illam forma gaudere ad polos depressa. Quasnam vero eruditii ab antiquissimo inde ævo hac in re foverint opiniones, quidque studii operæve in veritatem hujus rei indagandam collocaverint enarrare non erit alienum. Missis igitur inutilibus omnino de Astronomia antediluviana disquisitionibus oculos mox convertimus in Ægyptum studiorum litterariorum seminarium facile antiquissimum. Magos existimasse tellurem figuræ esse rotundæ probabile est. Fatemur quidem nulla testimonia historica ad hanc opinionem directe nos perducere, ad illam tamen fovendam variis commovemur rationibus. Neminem enim fugit, quantis effuderatur laudibus cognitio Ægyptiorum astronomica, pariterque notum est, quam multum astrorum peritia ad accuratam de figura telluris faciat notitiam.

Quis igitur ex multitudine observationum eorum Astronomicarum fide dignarum (*a*) merito non colligit eos existimasse tellurem Sphæræ referre formam. Concedendum quidem est, vulgo imperito omnia ex consueta sensuum apparentia dijudicanti planam & nescio quam arridere figuram; de Ægyptiis vero idem tenendum non esse vel maxime patet ex magnis eorum meritis in Geometriam & Astronomiam quibus in primis, utpote curiositati mortalium satisfacientibus sollicita obtigit cultura. Multi omnino sunt, quae illos, quibus plus est nasi, de absurditate figuræ telluris planæ convincant, permovereantque ad sphæricam ei adjudicandam. Tellurem non esse planam & usquequaque protensam ortus & occasus Solis vel maxime evincit, ut plura hue facientia figuram putaustræ in eclipsibus lunaribus constellationumque incognitarum apparitionem boream austrumve versus progredientibus, silentio præteream. (*b*) Non igitur dubitandum, quin hæc doctrina de rotunditate telluris in antiquissimis sit censenda, ut pote Ægyptiis nota, quorum cognitio de sphærica astrorum figura illos ad eandem de tellure suspicandum permovere potuit. Præterea unde *Thales* Græciæ Philosophorum antiquissimus illam deprompsit doctrinam nisi ex Ægypto orbis litterati ærario merito vocanda; *Thaletem* enim semina eruditionis spargentem potius quam *Ægy-*

(*a*) Aristotel. de cœlo I. 11. c. 12. (*b*) Plura hac de re vide apud Montucl. in ejus hist. des Mathemat. Tom. I. part. I. l. III. §. XII.

Ægyptios uberrimos ejusdem fructus jam jam metentes inventionis ornare gloria non est consentaneum.

§. II.

Hæc doctrina de rotunditate telluris ex Ægypto Thaletem comitata non potuit non conservari propagarie tam multis magnisque Philosophis (ut ex historia notum) Jonicæ scholæ statori succedentibus, qui eorum, quæ observaverant antecessorcs veritatem argumentis munire sunt aggressi. Quid de problemate etiam nostro, ne dicam de Mechanica, non meruit Anaximander (*c*), cuius innumera ferme inventa ad scientiam Astronomicam magnum & tunc temporis inopinatum adulere adjumentum? Quid? quod Aristoteles (*d*). asserere non dubitavit eum telluri adsignasse motum; cuius tamen assertum haud facile inveniet fidem. Quidquid sit cum Plutarcho tamen Anaximandro opinionem de figura telluris plana obtrudente facturum existimamus netminem rite perpendentem quam facile scriptorum imperitia eos in errores impellere potuit plane enormes atque in prava de vetustissimi ævi eruditis judicia, quorum caussas pro suo more scite exponit Montucla ita scribens (*e*): les unes, inquit, (des imputations) viennent probablement du style poétique & misterieux "dans lesquels ecrivirent les premiers Philosophes; &

A 3

"les

(*c*) Diog. Laërt. in Anaximandr. (*d*) in libr. II c° XIII, de Cœlo. (*e*) in hist. des Matth. pag. 108, 109.

6

les autres de l'ignorance des Compilateurs, qui ont
entrepris de nous rendre leurs opinions &c, Nec
minus læta Astronomiae Geometriæque florebant stu-
dia in schola Italica utpote sapientiæ Jonicæ donis lo-
cuptetata. Thaletem namque ipsum audiverat Pythag-
oras Pherecydemque pariter ac magos inclytæ Ægypti,
ut mirandum non sit tantum luminis accendisse
Lumen illud Italiæ. Astronomiæ inprimis culturæ sors
obtingit multæque accrescunt veritates. Docuisse
Pythagoram legimus (g) tellurem non tantum esse ro-
tundam, verum etiam, quem Soli abdicavit, gaudere
motu. Jurene an secus *Diogenes Laërtius* motus
hujus inventi gloriam adtribuat *Philolao*, 100 circiter
annos post *Pythagoram* nato cognoscere hujus loci
non est; probabile tamen esse existimamus *Philolau-*
mum æque ac *Parmenidem* hanc *Pythagoræ* doctrinam
suis tantum additamentis illustrasse. En *Pythagor-*
eorum ingentia in Theoriam telluris merita! Nihil
contra ea de hac re meruit *Plato* multa quamvis con-
federat itinera, utpote in Ægyptum & Italiam, in qua
maximam partem scientiæ, qua gaudebat, Astrono-
micae a *Philolao* & *Archita* didicisse relatum legitur.
Rebus abstractis Ipse & sectatores ejus delectati o-
mnem suam operam in Mathesin tantum puram col-
locabant, mixtam vel non curantes vel saltem leviter
attingentes. Eadem fere dicere licet de Scholæ
Peri-

(g) apud Plutarch, in lib. de placitis philosoph.

Peripateticæ auctore Aristotele in cuius de cœlo libris
res alicujus momenti frustra quæruntur. (h)

§. III.

Nec præterendum quantam litterarum cultura
famam fibi peperit Ægypti urbs Alexandria, Athenæ
restauratæ merito salutanda. In ea quidem fervidis-
sime sub patrocinio Ptolomeorum culta fuere omnia
humanitatis studia (i); Geometria autem & Astro-
nomia in primis in hac republica litteraria civitate
donatæ sunt (l). Non igitur mirum, insignem in hac
urbe Mathematicorum fuisse numerum, in quibus,
quis Aristarchi nomen ignorat, qui in scenam rursus
produxit Pythagoricorum dogmata de motu telluris?
Primas in indagatione figuræ telluris facile tenet Eratostenes Regis Ptolomai Evergetæ Bibliothecarius,
qui primus magnitudinem planetæ hujus mensurando
determinare aggressus est, arcum meridiani terrestris
inter Syene & Alexandriam interceptum dimetiens, cal-
culoque subducto inveniens totum meridianum lon-
gitudine 250, 000 stadia complecti. Hujus mensu-
randi modum inspicere licet apud Montuclam (m) qui
& mentionem facit errorum quoniam a P. Riccioli (n)
meri-

(b) De scriptis Aristotelis Astronomicis legatur Montucl. hist. des Matth. Tom. I. l. 3. §. 21. (i) Heumanii consp. Reipubl. Litt. C. IV. S. x. (l) Montucl. hist. des Math. T. I. p. I. l. 1. §. I. (m) Histoire des Math. T. I. P. I. L. IV. §. VI. (n) Geog. & hydrog reform. & alm. nev I. III. c. XXVII.

8

merito incusatur. Illum excipit *Hipparchus Nicæus*, observator suo ævo longe habilissimus, qui campum, in quo excurrere posset Astronomorum diligentia, aperuit, *cælum in hæreditatem cunctis relinquendo* (o). Hic a nobis laudari meretur ob magnam observationum copiam, quæ ad veram de figura magnitudineque telluris cognitionem multum facere intelliguntur. Inter Mathematicos demum, qui ultimo A. C. N. seculo vixerunt, magnam sibi ex mensuratione telluris gloriam conciliavit *Possidonius*, Geometra Mechanicus & Astronomus per celebris, qui iis, quas in Rhodo & Alexandriæ instituerat observationibus nixus afferuit circumferentiam telluriis 240, 000 stadia continere.

§. IV.

Primo post C. N. seculo inulta jacebant Mathematicorum jugera, crescente interim Religionis Christianæ femente in admirandam plane messem. Delinquentis hanc tempestatem Matheſeos lux, initio secundi seculi tenebras paulatim eluctata effulſit demum in *Ptolomæo* systematis planetarii nomen ab eo trahentis auctore. Plurima observabat phænomena Alexandriæ, quam prædam crudilitati Barbaricæ anno 641. fors dabat aduersa. Hoc Musarum domicilium demoliti Arabes depositarii fiunt omnium scientiarum, quas non negligunt, quin defervescente ira,

(o) *Plinius.*

ira, impigre colunt. Astronomiæ studium Principum patrocinio animatum in primis servet. Quis *Almamonis* Principis ingentia in hanc disciplinam ignorat merita? Illius namque jussu gradus terrestris ad mensuram exigitur seculo IX in Mesopotamiæ campo Singar, a duobus doctis, quorum tamen opera nobis, mensuras veterum Arabum ignorantibus, nullius plane est usus. Insignis quamvis fuerit Mathematicorum in Arabia numerus, nihil tamen amplius memoratu digni hac in re ab iis præstitum legimus. *Ptolomæi* sententiæ de systemate mundi omnes usque ad Secul. XVI adhæserant, quum *Nicolaus Copernicus* de hac re ab *Aristotele* dissentire ausus, plebi Astronomicæ paradoxum meditaretur dogma de motu telluris, quod discipulus ejus *Joach. Rheticus* in medium protulit defenditque, cujusque veritatem extra omnem dubitationis aleam Theoria aberrationis stellarum fixarum a Celeb. *Bradley* detecta posuit nostro demum seculo, in quod etiam exquisitior veræ figuræ telluris investigatio incidit. Interim tamen silentio prætereunda non sunt tentamina, quæ in hanc rem, sub finem seculi XVII facta sunt. Non jam morramur varias graduum meridianorum mensurationes, quas *Fernellius*, *Snellius*, *Picardus*, *Riccioli*, *Grimaldi* aliique non tam figuræ quam magnitudinis Telluris definiendæ gratia instituerunt; verum potius adulisse juvabit, quæ proprius ad institutum nostrum pertinent. Scilicet cum *Richer* ab *Academia Regia Scientiarum Parisina* anno 1672 missus esset ad insulam

Cayennam, ut observationibus quibusdam Astronomicis invigilaret: præter opinionem ipsi accidit, ut pendulum ibi tardius oscillaretur quam Parisiis, id quod occasionem dedit alia methodo figuram Telluris investigandi. Summus etenim Mathematicus *Newtonus* atque magnum illud Batavorum decus *Hugenius* non tam suspicati sunt, quam certo certius perspexerunt, gravitatem versus Äquatorem imminutum iri, ob majorem vim centrifugam ex rotatione Telluris oriundam. Hinc quoque collegerunt Tellurem sub Äquatore altiore esse, quam sub polis, vel figuram Sphaeroidis sub polis compressæ referre. Hanc rem tamen *Celeb. Caffini* junior in controversiam adduxit, contendens Terram esse Sphaeroidem versus polos oblongam, & quidem ob deprehensi gradum Australiorem in Gallia Borealiorem majorem. Propter hæc sententiarum divertia, in retanti momenti, *Acad. scient. Parisina* industu atque iussu Regis partim ad Circulum Polarem Arcticum partim ad Äquatorem, Mathematicos clarissimos meridiani terrestris gradum dimensuros, ablegavit. Frustrus hujus ablegationis is erat, ut Tellus ad polos depresso, quam ad æquatorem judicaretur: sed ita tamen ut aliis quilibet meridianus terrestris Ellipsin constitueret, cuius axis minor esset axis Telluris; aliis iterum, duce *Celeberr. Bouguer* curvam aliis generis, in qua incrementa graduum ab æquatore versus polos essent proportionalia Sinuum latitudinum biquadratis. Exacta itaque Telluris figura etiam num suspensos tenet Mathematicos, quæ tamen judice Magno *Newtono* faci-

)

II

(

facilius certiusque per experimenta pendulorum
quam per arcus Geographice mensuratos in Meridi-
ano, deprehendi potest (p).

§. V.

Caussam vibrationis pendulorum gravitatem es-
se adeo clarum existimamus ut supervacaneum sit
probare, pendula gravitatis variationem indicare,
rotatione Telluris circa axem concessa. Ostenden-
dum itaque erit qua ratione ex institutis variis in lo-
cis pendulorum isochronorum observationibus, ratio
axeos Telluris ad diametrum Aequatoris definiatur,
supponendo Tellurem esse homogeneam atque Elli-
ploidem, quo sic, observationibus inter se rite compa-
ratis, cognoscatur an assumta eidem competit figura
nec ne. In antecessum autem probandum est gravi-
tatem corporum in Ellipsoide rationem servare nor-
malium: in quem finem sequens præmittendum erit
Lemma.

§. VI.

Lemma. Sit PAE quadrans Ellipseos, cujus se-
miamxis major CE & minor CP, sitque A punctum
datum in peripheria ejus atque recta AG ad istam
normalis; erit, ducta recta AC atque GD ad AC
perpendiculari, $PC^2 = AC \cdot AD$.

Demonst.

(p) Princip. Philos. Nat. Math. lib. III. Prop. XX.

Demonst. Per naturam Ellipseos erit $AL^2 = \frac{CE^2 - CL^2 \cdot CP^2}{CE^2}$, ducta AL perpendiculariter ad CE, atque GL = $\frac{CL \cdot CP^2}{CE^2} = \frac{CP^2 - AL^2}{CL}$, ob $CE^2 = \frac{CL^2 \cdot CP^2}{CP^2 - AL^2}$; quare CG = $\frac{AC^2 - CP^2}{CL}$, nec non DG = $\frac{AL \cdot AC - CP^2}{AC \cdot CL}$; adeoque $DG^2 = \frac{AL^2 \cdot AC^2 - CP^2 \cdot 2}{AC^2 \cdot CL^2} = \frac{AL^2 - AD^2 \cdot CL^2 + CP^2 - AL^2}{CL^2}$ unde facta debita reductione & substitutione obtinebitur $CP^4 = AC^2 \cdot AD^2$; atque sic $CP^2 = AC \cdot AD$. q. e. d.

§. VII.

Sit PAE (Fig. I.) quadrans meridiani terrestris atque *pae* quadrans ipsi PAE infinite propinquus & similis similiterque positus; atque erunt pressiones columnarum PC & AC, in directionibus PC & AC æquales; quia oportet eas esse in æquilibrio. Eandem ob rationem erunt etiam columnarum *pC* & *aC* pressiones in his iisdem directionibus æquales; quare *Pp* in æquilibrio cum *Aa*. Sint pressiones in P & A, π & α respective; atque erit $Pp : Aa :: PC : AC :: \alpha : \pi$

$a : \pi (p)$; unde $a = \frac{\pi \cdot PC}{AC}$. Ponatur gravitas in A
 $= \gamma$, quæ agit secundum normalem AG, eritque existen-
te GD perpendiculari ad AC, $\gamma : a = \frac{\pi \cdot PC}{AC}$
 $\therefore AG : AD$; unde $\gamma = \frac{\pi \cdot PC \cdot AG}{AC \cdot AD} = \frac{\pi \cdot AG}{PC}$, ob
 $AC \cdot AD = CP^2$. (§. VI.) Patet itaque hinc gravitatem
in Ellipsoide servare rationem normalium (q). Cumque
longitudines pendulorum isochronorum in diversis lo-
cis sint in eadem ratione ac gravitates in iisdem lo-
cis; sequitur has ipsas longitudines quoque servare
rationem normalium correspondentium locorum.

§. VII.

Hicce præstructis facile obtinebitur formula, ad
quam ratio axeos Telluris ad diametrum Æquatoris
eliciatur, ex institutis binis pendulorum observatio-
nibus in diversis quibuscumque locis datis. Sit PME
(Fig. 2.) quadrans meridiani terrestris, CP semiaxis
Telluris, CE semi-diameter Æquatoris, MN, $m n$
normales in punctis M & m. Agatur MQ perpendicularis
ad CE, atque sit latitudo puncti M seu ang.
MNE = λ ; eritque $\sin \lambda : \cos \lambda :: MQ =$

B 3

$\frac{CP}{CE}$

(p) Phil. Nat. Prin. Math. Newtoni prop. XX. lib. III.



(q) Math. Beskrift, om Jordklotet a Cel. Dn. Mallet.

$\frac{CP}{CE} \sqrt{CE^2 - CQ^2} : NQ = \frac{CQ \cdot CP^2}{CE^2}$; unde
 $\frac{CQ \cdot CP^2}{CE^2} \cdot \sin \lambda = \frac{\cos \lambda \cdot CP}{CE} \sqrt{CE^2 - CQ^2}$, quae
 dat $CQ^2 = \frac{CE^2 \cdot \cos^2 \lambda}{CE^2 \cdot \cos^2 \lambda + CP^2 \cdot \sin^2 \lambda}$, quo valore
 substituto in $MQ = \frac{CP}{CE} \sqrt{CE^2 - CQ^2}$, habetur
 $MQ = \frac{CP^2 \cdot \sin \lambda}{\sqrt{CE^2 \cos^2 \lambda + CP^2 \sin^2 \lambda}}$. Cumque posi-
 sito sinu toto $= 1$, $\sin \lambda : 1 :: MQ : MN$, prodibit $MN =$
 $\frac{CP^2}{\sqrt{CE^2 \cos^2 \lambda + CP^2 \sin^2 \lambda}}$. Pari modo obtinebi-
 tur $mn = \frac{CP^2}{\sqrt{CE^2 \cos^2 l + CP^2 \sin^2 l}}$ posita $l = la$
 titudini ipsius m . Exhibeantur jam longitudines pen-
 dulorum isochronorum in M & m per P & p respe-
 ctive; eritque $P:p :: \frac{1}{\sqrt{CE^2 \cdot \cos^2 \lambda + CP^2 \sin^2 \lambda}} :$
 $\frac{1}{\sqrt{CE^2 \cdot \cos^2 l + CP^2 \sin^2 l}}$ (§. VII.), unde
 $p^2 \cos^2 l - P^2 \cos^2 \lambda = CE^2 = P^2 \sin^2 \lambda - p^2 \sin^2 l$.
 CP^2 ; adeoque $\frac{CE^2}{CP^2} = \frac{P^2 \sin^2 \lambda - p^2 \sin^2 l}{p^2 \cos^2 l - P^2 \cos^2 \lambda}$, ad
 quam

quam formulam ratio ipsius CE ad CP haberi poterit posita Tellure Ellipsoide. Si autem plures comparationes observationum optimae notæ pendulis factarum, non conspiraverint ad exhibendam eandam rationem ipsius CE ad CP alia omnino Telluri adjudicanda erit figura. Sed de hac re plura in parte posteriori.

S. D. G.





J:S:Sc.